

Ո Ր Ո Շ ՈՒ

«28» նոյեմբերի 2003թ

N 327

ք. Ստեփանակերտ

«ԲՆԱՊԱՀՊԱՆԱԿԱՆ ԵՎ ԲՆՈԳՏՎԳՈՐԾՄԱՆ ՎՃԱՐՆԵՐԻ ՄԱՍԻՆ» ԼԵՂՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՕՐԵՆՖԻ ԿԻՐԱՐԿՈՒՄՆ ԱՊԱՀՈՎՈՂ ՄԻՋԱՑԱՌՈՒՄՆԵՐԻ ՄԱՍԻՆ

«Բնապահպանական և բնօգտագործման վճարների մասին» Լեռնային Ղարաբաղի Հանրապետության օրենքի կիրարկումն ապահովելու նպատակով Լեռնային Ղարաբաղի Հանրապետության կառավարությունը որոշում է.

1.Հաստատել՝

ա/ բնապահպանական և բնօգտագործման վճարների հաշվարկման ու վճարման կարգը (կցվում է).

բ/ բնապահպանական և բնօգտագործման վճարներ վճարողների հաշվառման կարգը (կցվում է).

2.Սահմանել, որ՝

ա/ Լեռնային Ղարաբաղի Հանրապետության կառավարության 1999 թվականի մարտի 2-ի «Բնօգտագործման վճարի դրույքաչափերի մասին» թիվ 27 որոշմանը համապատասխան, յուրաքանչյուր հաշվետու ժամանակաշրջանի համար ազնիվ, գունավոր, հազվագյուտ մետաղների և գունագեղ քարերի միջազգային շուկայական գների հրապարակումը սահմանված կարգով ապահովում է Լեռնային Ղարաբաղի Հանրապետության ֆինանսների և էկոնոմիկայի նախարարությունը.

բ/«Բնապահպանական և բնօգտագործման վճարների մասին» Լեռնային Ղարաբաղի Հանրապետության օրենքի 9-րդ հոդվածի 5-րդ կետին համապատասխան Լեռնային Ղարաբաղի Հանրապետության կառավարության լիազոր մարմին է հանդիսանում Լեռնային Ղարաբաղի Հանրապետության շրջակա միջավայրի և բնական ռեսուրսների վարչությունը:

3. Լեռնային Ղարաբաղի Հանրապետության ֆինանսների և էկոնոմիկայի նախարարությանը՝ «Բնապահպանական և բնօգտագործման վճարների մասին» Լեռնային Ղարաբաղի Հանրապետության օրենքի 21-րդ հոդվածին համապատասխան հաստատել՝

ա/մեկամսյա ժամկետում՝ սույն որոշման 1-ին կետի «ա» ենթակետով հաստատված կարգի 4-րդ կետով նախատեսված հաշվարկ-հաշվետվության և հաշվարկ-հաշվետվությունների գրանցման մատոյանի, ինչպես նաև նոյն կարգի 6-րդ և 7-րդ կետերով նախատեսված միջյանց տրամադրվող տեղեկատվության և 8-րդ կետով նախատեսված ստուգման ակտերի ձևերը.

բ/մեկամսյա ժամկետում՝ «Արտադրական թափոնների փաստացի ծավալների հաշվարկման մեթոդիկա» գերատեսչական նորմատիվ ակտը.

զ/երկամսյա ժամկետում՝ ջրային ավագան վնասակար նյութերի արտանետման համար հաշվառման վերցնելու նպատակով անհրաժեշտ փաստաթղթերի ցանկը և ձևերը:

4. Լեռնային Ղարաբաղի Հանրապետության արտադրական ենթակառուցվածքների զարգացման և քաղաքաշինության նախարարությանը, Լեռնային Ղարաբաղի Հանրապետության գյուղատնտեսության նախարարությանը, Լեռնային Ղարաբաղի Հանրապետության առողջապահության նախարարությանը և Ստեփանակերտի քաղաքապետին՝ մինչև յուրաքանչյուր հաշվետու տարվա մարտի 1-ը Լեռնային Ղարաբաղի Հանրապետության շրջակա միջավայրի և բնական ռեսուրսների վարչություն ներկայացնել իրենց կառավարման ոլորտների այն կազմակերպությունների ցանկը, որոնց գործունեության ընթացքում առաջանում են շրջակա միջավայրում սահմանված կարգով տեղադրման ենթակա արտադրության և սպառման թափոններ:

Կ Ա Ր Գ

բնապահպանական և բնօգտագործման վճարների հաշվարկման ու վճարման

1. Սույն կարգը սահմանում է բնապահպանական և բնօգտագործման վճարների հաշվարկման ու վճարման կարգը:

2. Բնապահպանական և բնօգտագործման վճարների հաշվարկման ու վճարման (այդ թվում՝ հաշվարկված վճարները Լեռնային Ղարաբաղի Հանրապետության պետական բյուջե փոխանցման) կարգի նկատմամբ վերահսկողությունն իրականացնում է Լեռնային Ղարաբաղի Հանրապետության հարկային պետական վարչությունը:

3. Բնապահպանական և բնօգտագործման վճարների օբյեկտ համարվող փաստացի ծավալների նկատմամբ վերահսկողությունն իրականացնում էն՝

ա) Լեռնային Ղարաբաղի Հանրապետությունում արտադրվող ու իրացվող, ինչպես նաև ներուժվող, շրջակա միջավայրին վնաս պատճառող ապրանքների համար՝ Լեռնային Ղարաբաղի Հանրապետության հարկային պետական վարչության հանապատասխան կառույցները (այսուհետև հարկային մարմիններ):

բ) վճարի մյուս տեսակների համար՝ Լեռնային Ղարաբաղի Հանրապետության շրջակա միջավայրի և բնական ռեսուրսների վարչության հանապատասխան կառույցները (այսուհետև՝ բնապահպանական մարմիններ):

4. Բնապահպանական և բնօգտագործման վճարներ վճարող անձինք (այսուհետև՝ վճար վճարող) վճարների հաշվարկ-հաշվետվությունները գրանցման են ներկայացնում բնապահպանական մարմիններ, այնուհետև գրանցված հաշվարկ-հաշվետվությունները ներկայացնում են հարկային մարմիններ՝ օրենքով սահմանված ժամկետներում:

Հաշվարկ-հաշվետվությունների գրանցումը կատարվում է բնապահպանական մարմինների կողմից հաշվարկ-հաշվետվությունների գրանցման մատյաններում հանապատասխան գրառում կատարվելու միջոցով:

Հաշվարկ-հաշվետվությունների գրանցման մատյանի ձևը սահմանում է Լեռնային Ղարաբաղի Հանրապետության ֆինանսների և էկոնոմիկայի նախարարությունը՝ «Բնապահպանական և բնօգտագործման վճարների մասին» Լեռնային Ղարաբաղի Հանրապետության օրենքի 21-րդ հոդվածին հանապատասխան:

Գրանցված հաշվարկ-հաշվետվության առաջին էջի վերևի աջ անկյունում կատարվում է հանապատասխան գրառում՝ նշելով գրանցման համարը, գրանցման ամսաթիվը, գրանցում կատարողի անունը, ազգանունը և պաշտոնը: Նշված գրառումները հաստատվում են բնապահպանական մարմին ղեկավարի ստորագրությամբ և կնիքով:

5. Սույն կարգի 4-րդ կետին հանապատասխան հաշվարկ հաշվետվություններ ներկայացնելը պարտադիր է՝

ա) Լեռնային Ղարաբաղի Հանրապետություն շրջակա միջավայրին վնաս պատճառող ապրանքներ ներմուծողների համար.

բ) Իրավաբանական և ֆիզիկական անձանց համար՝ իրենց պատկանող ավտոմեքենաներից, մեխանիզմներից և շարժիչավոր լողամիջոցներից օդային ավազան վնասակար նյութերի արտանետման մասով.

գ) Ֆիզիկական անձանց համար (բացառությամբ անհատ ձեռնարկատերների), որոնք ունեն բնօգտագործման համար համապատասխան պայմանագրեր՝ մինչև 1 տարի ժամկետով:

6. Բնապահպանական մարմինները յուրաքանչյուր տարի Լեռնային Ղարաբաղի Հանրապետությունում հաշվարկած վճար վճարողների ցանկը մինչև տվյալ տարվա ապրիլի 1-ը ներկայացնում են հանապատասխան հարկային մարմիններ:

Բնապահպանական մարմինները յուրաքանչյուր Եռամսյակի ընթացքում սույն կետում նշված ցանկում կատարված փոփոխությունների մասին տեղեկությունները հանապատասխան հարկային մարմիններին են տրամադրում մինչև տվյալ Եռամսյակին հաջորդող ամսվա 10-ը:

7. Հանապատասխան հարկային մարմինները յուրաքանչյուր Եռամսյակի ընթացքում վճար վճարողների կողմից Լեռնային Ղարաբաղի Հանրապետության պետական բյուջե վճարված գումարների և առկա ապառքների մասին տեղեկությունները մինչև տվյալ Եռամսյակին հաջորդող երկրորդ ամսվա 10-ը ներկայացնում են հանապատասխան բնապահպանական մարմիններ:

8. Բնապահպանական մարմինները Լեռնային Ղարաբաղի Հանրապետության օրենսդրությամբ սահմանված կարգով կատարում են բնապահպանական և բնօգտագործման վճարների օբյեկտ

համարվող փաստացի ծավալների չափաքանակների (սահմանափակումներ) ստուգումներ և ստուգման ակտերի պատճենները, ինչպես նաև ստուգմանը վերաբերող նյութերը 15-օրյա ժամկետում տրամադրում են համապատասխան հարկային մարմիններին:

Բնապահպանական և բնօգտագործման վճարների օբյեկտ համարվող փաստացի ծավալների չափաքանակների (սահմանափակումներ) ստուգման ակտերի ձևերը սահմանում է Լեռնային Ղարաբաղի Հանրապետության ֆինանսների և էկոնոմիկայի նախարարությունը՝ «Բնապահպանական և բնօգտագործման վճարների մասին» Լեռնային Ղարաբաղի Հանրապետության օրենքի 21-րդ հոդվածին համապատասխան:

9.Օրենքով սահմանված կարգով չփարզած գումարների վճարումն ապահովվում է դատական կարգով՝ հարկային մարմնի ներկայացրած հայցի հիման վրա:

10.Բնապահպանական և բնօգտագործման վճարների հաշվարկման ու վճարման ծջությունը ստուգելու նպատակով բնապահպանական և հարկային մարմինները կարող են վճար վճարողների մոտ կատարել համատեղ թեմատիկ ստուգումներ:

11.Բնօգտագործման վճար վճարող ֆիզիկական անձիք, մինչև օրենքով սահմանված կենսապաշարների օգտագործումը հայտ (N 1 ձևը կցվում է) են ներկայացնում համապատասխան բնապահպանական մարմին և վերջինիս կողմից այն բավարարելու դեպքում իրականացնում են համատասխան գործառույթ:

Համապատասխան բնապահպանական մարմինը պատասխանատու է հետագայում հայտում նշված պայմանների և վճարման փաստը հաստատող անդորրագրի խկության համար:

12.Սույն կարգի 11-րդ կետով նախատեսված հայտի աջ մասը և անդորրագրը մնում են ֆիզիկական անձանց մոտ, իսկ ձախ մասը՝ համապատասխան բնապահպանական մարմնի մոտ:

13.Սույն կարգի 11-րդ կետին համապատասխան բնական պաշարների իրացման ու սպառման վայրում վճարի հաշվարկման և վճարման նկատմամբ վերահսկողությունն ընտրանքային կարգով իրականացնում են հարկային մարմինները:

14.Այլ պետություններում գրանցված տրանսպորտային միջոցներով Լեռնային Ղարաբաղի Հանրապետություն մուտք գործելիս, օդային ավազան վնասակար նյութերի արտանետման համար, վճարների գանձումը իրականացվում է Հայաստանի Հանրապետության մաքսային մարմինների կողմից ՀՀ-ի օրենսդրությամբ սահմանված կարգով:

15.Ֆիզիկական և իրավաբանական անձանց պատկանող Լեռնային Ղարաբաղի Հանրապետությունում գրանցված և շահագործվող ավտոմեքենաներից վնասակար նյութերի արտանետման համար վճարի հաշվարկումը և վճարումն իրականացվում է «Բնապահպանական վճարների դրույքաչափերի մասին» Լեռնային Ղարաբաղի Հանրապետության օրենքի 5-րդ հոդվածի 2-րդ կետին համապատասխան: Նշված վճարի հաշվարկման և վճարման նկատմամբ վերահսկողությունն իրականացնում են Լեռնային Ղարաբաղի Հանրապետության ներքին գործերի նախարարության պետական տեխնիկական գննության ժամանակ, իսկ Լեռնային Ղարաբաղի Հանրապետություն ներմուծված և Լեռնային Ղարաբաղի Հանրապետությունում գրանցվող ավտոմեքենաների համար՝ այդ ավտոմեքենաների գրանցման ժամանակ:

16.Ֆիզիկական և իրավաբանական անձանց պատկանող Լեռնային Ղարաբաղի Հանրապետությունում գրանցված և շահագործվող մեխանիզմներից (գյուղատնտեսական ինքնագնաց մեքենաներ) վնասակար նյութերի արտանետման համար վճարի հաշվարկումն ու վճարումն իրականացվում է «Բնապահպանական վճարների դրույքաչափերի մասին» Լեռնային Ղարաբաղի Հանրապետության օրենքի 5-րդ հոդվածի 2-րդ կետին համապատասխան:

Նշված վճարի հաշվարկման և վճարման նկատմամբ վերահսկողությունն իրականացնում է Լեռնային Ղարաբաղի Հանրապետության գյուղատնտեսության նախարարության համապատասխան ստորաբաժանում՝ այդ մեխանիզմների տարեկան տեխնիկական գննության ժամանակ:

17.Պետական տեխնիկական գննության մարմինները և Լեռնային Ղարաբաղի Հանրապետության նախարարության համապատասխան ստորաբաժանումները սույն կարգի 15-րդ ու 16-րդ կետերին համապատասխան ավտոմեքենաներից և մեխանիզմներից (գյուղատնտեսական ինքնագնաց մեքենա) օդային ավազան վնասակար նյութերի արտանետման համար վճարի վճարման փաստը հաստատող փաստաթղթերի բնօրինակները կցում են տարեկան տեխնիկական գննության համապատասխան գործերին:

18. Իրավաբանական և ֆիզիկական անձանց պատկանող Լեռնային Ղարաբաղի Հանրապետությունում գրանցված և շահագործվող շարժիչավոր լողամիջոցներից օդային ավազան վնասակար նյութերի արտանետման համար վճարի հաշվարկումն ու վճարումն իրականացվում է «Բնապահպանական վճարների դրույքաչափերի մասին» Լեռնային Ղարաբաղի Հանրապետության օրենքի 5-րդ հոդվածի 2-րդ կետին համապատասխան: Նշված վճարի հաշվարկման և վճարման նկատմամբ վերահսկողությունն իրականացնում են բնապահպանական մարմինները, որոնք շարժիչավոր լողամիջոցներից օդային ավազան վնասակար նյութերի արտանետման համար վճարի վճարման փաստը հաստատող փաստաթղթերի բնօրինակները կցում են համապատասխան գործերին:

<p>ԼՂՀ շրջակա միջավայրի և բնական ռեսուրսների վարչություն կենսապաշարների օգտագործման ՄԻԱՆԳԱՄՅԱ ՀԱՅՏ</p> <p>Գրանցման N _____ առ _____ 200 թ. _____</p> <p>(անունը, ազգանունը, հասցեն, անձը հաստատող փաստաթղթի տվյալները)</p> <p>Խնդրում ենք Ձեր թույլտվությունը</p> <p>(քանակը թվերով, տառերով) (բնական պաշարի տեսակը) օգտագործելու համար և պատրաստ եմ վճարել _____ դրամ Վճարման անդորրագրի N _____ Բնական պաշարների տեղափոխման _____ 200 թ.</p> <p>ԼՂՀ ՇՍ և ԲՌ վարչության տեսուչի ստորագրությունը _____</p>	<p>ԼՂՀ շրջակա միջավայրի և բնական ռեսուրսների վարչություն կենսապաշարների օգտագործման ՄԻԱՆԳԱՄՅԱ ՀԱՅՏ</p> <p>Գրանցման N _____ առ _____ 200 թ. _____</p> <p>(անունը, ազգանունը, հասցեն, անձը հաստատող փաստաթղթի տվյալները)</p> <p>Խնդրում ենք Ձեր թույլտվությունը</p> <p>(քանակը թվերով, տառերով) (բնական պաշարի տեսակը) օգտագործելու համար և պատրաստ եմ վճարել _____ դրամ Վճարման անդորրագրի N _____ Բնական պաշարների տեղափոխման _____ 200 թ.</p> <p>ԼՂՀ ՇՍ և ԲՌ վարչության տեսուչի ստորագրությունը _____</p>
--	--

Կ Ա Ր Գ

բնապահպանական և բնօգտագործման վճարների վճարողների հաշվառման

1.Սույն կարգը սահմանում է բնապահպանական և բնօգտագործման վճարների վճարողների (այսուհետև՝ վճար վճարողների) հաշվառման կարգը:

2.Վճար վճարողների հաշվառման (այդ թվում՝ պետական մարմինների կողմից սույն կարգին համապատասխան գործողությունների չկատարման) կարգի նկատմամբ վերահսկողությունն իրականացնում է Լեռնային Ղարաբաղի Հանրապետության շրջակա միջավայրի և բնական ռեսուրսների վարչությունը:

3.Բնապահպանական վճար վճարողների հաշվառումն իրականացվում է վճար վճարողների հաշվառման մաստյանում գրանցելու միջոցով՝ սույն կարգին համապատասխան պետական մարմինների կողմից Լեռնային Ղարաբաղի Հանրապետության շրջակա միջավայրի և բնական ռեսուրսների վարչությանը տրված տեղեկությունների համաձայն:

4.Բնօգտագործման վճար վճարողների հաշվառումն իրականացվում է վճարողների հաշվառման մաստյանում գրանցելու միջոցով՝ ըստ համապատասխան իրավական ակտերի, իսկ առանձին դեպքերում՝ Լեռնային Ղարաբաղի Հանրապետության շրջակա միջավայրի և բնական ռեսուրսների վարչության ներկայացված հայտերի համաձայն:

5.Ամրակայված աղյօտը ներից օդային ավազան վնասակար նյութերի արտանետման համար հաշվառման են վերցվում շրջակա միջավայր վնասակար նյութեր արտանետող օբյեկտներ ունեցող կազմակերպությունները:

6.Շրջակա միջավայրում արտադրության և սպառման թափունների տեղադրման համար հաշվառման են վերցվում արտադրության և սպառման թափունները շրջակա միջավայրում սահմանված կարգով տեղադրող կազմակերպությունների ցանկում ընդգրկված իրավաբանական անձինք:

7.Զրային ավազան վնասակար նյութերի և միացությունների արտանետումների համար հաշվառման են վերցվում՝

ա) ջրային ռեսուրսներ կամ դրանց ջրահավաք ավազաններ կեղտաջրեր թափող իրավաբանական և անհատ ձեռնարկատեր հանդիսացող ֆիզիկական անձինք,

բ) ջրահեռացման ցանցով կեղտաջրերի (բացառությամբ կոմունալ-կենցաղային կեղտաջրերի) արտանետումներ իրականացնող իրավաբանական և անհատ ձեռնարկատեր հանդիսացող ֆիզիկական անձինք՝ տվյալ ջրահեռացման ցանցն սպասարկող մաքրման կայանով չմաքրվող վնասակար նյութերի և միացությունների արտանետումների մասով: Մաքրման կայանների բացակայության կամ դրանց չաշխատելու դեպքում իրավաբանական և անհատ ձեռնարկատեր հանդիսացող ֆիզիկական անձինք հաշվառման են վերցվում վնասակար նյութերի և միացությունների արտանետումների ամբողջ ժամանակով:^{*)}

8. Եթե Լեռնային Ղարաբաղի Հանրապետության հարկային մարմինները վճար վճարողների մոտ կատարվող ստուգումների (ուսումնասիրությունների) ժամանակ հայտնաբերում են կամ ունեն տեղեկություններ այն մասին, որ տնտեսվարող սուբյեկտն իրականացնում է օրենքով սահմանված գործառույթներ (ջրօգտագործում, օգտակար հանածոնների արդյունահանում (մարում), կենսապաշարների օգտագործում, շրջակա միջավայր վնասակար նյութերի արտանետում, շրջակա միջավայրին վնաս պատճառող ապրանքների արտադրություն), ապա Լեռնային Ղարաբաղի Հանրապետության շրջակա միջավայրի և բնական ռեսուրսների վարչությունը տվյալ տնտեսվարող սուբյեկտին վերցնում է հաշվառման:

9.Եթե Լեռնային Ղարաբաղի Հանրապետության բնապահպանական մարմինները հայտնաբերել կամ ստացել են տեղեկություններ այն մասին, որ տվյալ իրավաբանական կամ ֆիզիկական անձն իրականացնում է օրենքով սահմանված գործառույթներ (ջրօգտագործում, օգտակար հանածոնների արդյունահանում (մարում), կենսապաշարների օգտագործում, շրջակա միջավայր վնասակար նյութերի արտանետում, շրջակա միջավայրում արտադրության և սպառման թափունների տեղադրում, շրջակա միջավայրին վնաս պատճառող ապրանքների արտադրություն), ապա այդ տեղեկությունները ճշտելուց հետո անհրաժեշտության դեպքում, տվյալ անձը վերցվում է հաշվառման:

10.Լեռնային Ղարաբաղի Հանրապետության շրջակա միջավայրի և բնական ռեսուրսների վարչությունը ամփոփում է վճար վճարողների մասին տեղեկությունները (իրավաբանական անձանց անվանումը կամ ֆիզիկական անձանց անունը, ազգանունը, ինչպես նաև նրանց հասցեն, վճարվելիք

վճարատեսակները և այլն) գրանցում է վճար վճարողների հաշվառման մատյանում և յուրաքանչյուր վճարողի համար վարում է առանձին գործ:

*1) ԼՂՀ կառավարության 26.04.2006թ. «Լեռնային Դարաբաղի Հանրապետության կառավարության 2003թ նոյեմբերի 28-ի թիվ 327 որոշման մեջ փոփոխություն կատարելու մասին» N 218 որոշման խմբագրությամբ: